

Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

17. Præludium. Sicut vnicuiq[ue] homini ab ortu natuitatis suæ, ad tutelam & custodiam, deputatus est bonus Angelus, secundum sacras literas, & sanctorum Patrum doctrinam: Ita etiam ad exercitium ac ...

urn:nbn:de:hbz:466:1-41113

gerere nolebat. Sic etiam s̄pē si in aliquo offendit per alias maleficas eas cædit, vt suprā exemplis declaratum est.

17. Præludium. *Sicut unicuiq; homini ab ortu natuitatis sue, ad tutelam & custodiam, deputatus est bonus Angelus, secundum sacras literas, & sanctorum Patrum doctrinam: Ita etiam ad exercitium ac temptationem malus spiritus destinatus cuilibet, ut Doctores sentiunt.*

ANGELOVM custodiam calumniatur Caluinus in institutionib. sect. 7. cap. 14. & in cap. 18. Matth. & alibi, quem sequuntur eiusdem farinæ homines: sed Catholica Ecclesia Angelorum tutelam firmiter amplectitur. Nunc probatur prima præludij pars. Psal. 90. Angelis suis mandauit de te. & Psal. 33. Immittet Angelus Domini in circuitu timentium eum, & eripiet eos. Genes. 48. Jacob dicit: Angelus, qui pascit me, & liberavit me à iuuentute mea. Eccles. 5. Ne dicas coram angelo, non est prouidentia, ne fortè iratus contra sermones tuos, dissipet cuncta opera manuum tuarum. Vbi S. Hieron. Non enim in ventum dicta transeunt, sed à præsenti angelo, qui unicuique adhæret comes, statim perferuntur ad Dominum. Matth. 18. Videte ne condemnatis vnum

vnum ex his pusillis, dico enim vobis, quia
angeli eorum in cœlis semper vident faciem
patris mei. Actor. 12. Puella Rhode, cùm nun-
ciaret Petrum stare ante ianuam, astantes di-
xerunt: Angelus eius est. Consentiunt Docto-
res & Theologi S. Hieronym. in d. cap. Matth.
Magna, inquit, est dignitas animarum, vt vna-
quæq; habeat ab ortu natu*ritatis* in custodiam
sui Angelum delegatum. August. in Soliloq.
cap. 27. Chrys. hom. 60. in Matth. & hom. 3. in
Epist. ad Thessalonicens. Basil. lib. 3. contra
Eunomium, his verbis: Quod singulis homi-
nibus adsit Angelus, vt Pædagogus quidam &
Pastor ad vitam dirigendam, nemo contradi-
xerit, qui verborum Domini recordatur. An-
geli eorum in cœlis semper vident faciem Pa-
tris, &c. Inde Psalmista dicit. Castrametatur
Angelus Domini in circuitu timentium eum.
Et, Angelus, qui meeruit de iuuentute mea,
& quæcunq; talia: Hæc Basil. Origen. hom. 5.
in Numer. & hom. 35. in Lucam. Gregor. Nyss.
in lib. de vita Moysis. Bernard. serm. II. super
Psalm. Qui habitat: in verba verf. Angelis suis
mandauit de te. Hilarius, Theophyl. OEcumenius,
& alij communiter in cap. Matth. 18.
Cassianus in collat. 8. cap. 17. S. Thom. I. part. q.
II. S. Bonaventura cum Magistro Sententiar.
& omnibus DD. in 2. d. II. Custodiæ angelicæ
plures sunt effectus, qui à Doctoribus ex fa-
bris literis colliguntur. Tres autem generales
assignari

assignari possunt: defensio contra aduersarij violentiam, ne opprimat: Eruditio & directio contra eius astutiam in decipiendo & seducendo: Exhortatio & inductio ad bonum, ne blanditijs moueat voluntatem ad consentiendum. Sunt autem multi particulares, de quibus auctoritates Scripturæ legendæ Concionatoribus apud S. Bonauenturam, Albertum & Gabriel. in d. dist. II. & latissimè apud Franciscum Feuardentium in appendice ad libros Alphon. Castrensi. de hæresibus lib. I. in verb. Angeli. hæres. 3. Si quis dicat. Cùm Angeli boni etiam virtute naturali præditis sint, & dono gratiæ adiumentur, quomodo non vincunt Dæmones, & prohibent ne homines tentatione superent. Respondetur, hoc non prouenire ex defectu angelicæ custodiæ, sed ex nostra voluntate libera, quæ non acquiescit consilijs & suggestionibus angelicis. Angelorum custodia & directio non cogit hominem ad bonum, voluntati vim inferendo, sed excitando & persuadendo mouet pro natura voluntatis liberæ. Contingit etiam aliquando ex ordine diuinæ iustitiæ & prouidentiæ, quæ modum & ordinem Angelorum custodiæ præscribit propter demerita custodi.

Quantum ad secundam partem præludij: quod etiam quisq; homo habeat Dæmonem exercentem designatum, tradunt S. Gregor. loc.

loc. cit. apud Magistrum in 2. d. II. Chrysost.
sive auctor operis imperfecti , hom. 40. in
Matth. Lactantius lib. 2. de origine erroris ca.
15. Cassian. loc. citat. Magist. & DD. in d. d. pro-
bat Cassian. Si, inquit, consideremus illum,
qui B. Iob expetijt, apertissimè instruemur il-
lum fuisse, qui semper insidiatus ei, nunquam
eum ad peccatum potuerit incitare: & idcirco
potestatem à Dōmino poposcisse: velut qui
non virtute illius, sed Domini defensione,
qui illum semper protexerit, vinceretur. De
Iuda quoq; dicitur , & diabolus stet à dextris *Psalm. 108.*
eius, Ad hanc doctrinam Platonici accedunt.
Apuleius multa scripsit de Dæmone Socratis.
AEgyptiorum doétrina traditum est, ab Dæ-
monum præside Deo , pro ratione propo-
sitæ vitæ, Dæmonem assignari, non ab astro,
aut Planeta: quod sensisse Porphyrius putatur
vt auctor est Iamblicus. Philosophorum va-
rias sententias de Dæmonibus cuiq; assignatis
refert Cœlius Rhodiginus , lectionum anti-
quarum lib. I. cap. 31. Hinc illud pulchrum a-
pud Plutarchum, in lib. de Romanorum for-
tuna exemplum. Cum Marcus Anthonius &
Augustus , singulari amicitia & benevolentia
iuncti, habito otio, sèpè lusibus inter se diuer-
sis transmittere soliti essent, & M. Anthonius
semper victus abiret : Quidam apud eum di-
uinandi peritia clarus, audacter ita admonere
cepit. O Anthoni, quidnam tibi cum adoles-
cente

cente isto? Refuge ipsum, & vita. Tu quidem
illustrior es, natu item grandior, sed plurium
quoq; imperator, bella multa exantlasti, peri-
tia rerum præstantiores. At nescio, quo pacto
huius ipsius Dæmonem Dæmon reformidet
tuus. Quin tua quidem fortuna ampla est ex
se, sed fortunæ adolescentis subblanditur.
Quod ni abieris procul, ad illum defecturum
apparet. *Dubium esse potest: An mutato loco, mute-
tur & Dæmon?* Quidam enim absurdum arbi-
trantur, eodem referente Cœlio, lib. d. cap. 32.
quod Dæmon unus ita in mancipium venerit,
vt ne latum quidem vnguem à nobis disce-
dat, quantumuis longinqua terrarum spacia
abierimus: Qui etiam in ea sunt opinione, ex
eadem radice, quod homo in uno loco sit for-
tunatior, quām in alio. Quia cùm in qualibet
Dæmonum decuria, plura sint dignitatis &
virtutum discernicula, variatis locis varijs sunt
rerum euentus. Sic fœlicior & fortunatior e-
rit in loco, qui potentiorem Dæmonem ade-
pus fuerit, infœlicior, qui inferiorem & debi-
liorem, vt exemplo à Plutarcho relato ostendit.
His annotatis vt propositum prosequa-
mur: bonus Angelus, & spiritus malus circa
hominis actus in custodia & exercitio sibi ad-
uersantur. Cōtrariorum enim principiorum
& formarum contrarij sunt effectus & opera-
tiones. Angelus custos & tutelaris recte agen-
tibus adest, salutaria consilia fuggerit, ad bonū
incitat,

incitat, ne in peccatum cadat, aut si ceciderit, statim resurgat, solicitat. Dæmon susurrando semper ad peccatum instigat, mala consilia proponit, ad malū instruit, tempore & soporem immittit, mentē excæcat, vt homo in peccatis sordecat, laborat, omnia media fallacia adhibet, donec manibus pedibusque ligatum miserum hominem teneat, & pro sua peruersa voluntate regat. Bonus Angelus dux & auctor homini existit, vt Dei noua creatura in Baptismo fiat, Deo in perpetuum, vt iustum est, suam seruitutem & cultum impendat, & addicat: Diabolo & pompæ eius abrenunciet. Dæmon proprius in hoc detestabili maleficij opere instigator est, vt homo in primis professioni in Baptismo factæ abrenūciet, Deo, B. Virgini, & omnibus sanctis valedicat, sibi suam operam addicat, obedientiam præstet. Et sicut Judith *Iudith. 19.* clarissima herois, angelum itineris sui & castitatis directorem inter prophanorum barbaras atq; impuras manus propugnatorē habuit: sic dæmoni cura est, vt hominem ad impurissimā libidinē inducat. Deinde quemadmodū Angelus Abacuc Prophetam in Babylonē tulit, vt prädium Danieli in lacu leonum tradaret, & iterum in Iudeam expedito negocio cōfestim reportauit, & in locum suum restituit: Ita dæmon suum maleficum ad conuentū defert, & peracta tragedia magica, reportata ad locum in quo suscepit. Imò etiā sicut Angelus B.

Petrum,

Att.12.

Petrum, percusso latere eius excitauit è somno: Ita Dæmon malefici etiam suum clientem è somno excitat, vt multorum confessionibus didicimus, vt congregationem & cursum adeat, quando præscripto tempore conuenientum. Vbi & hoc occurrit notandum. Sic ut Abacuc, qui nec Babylonem viderat & lacum nesciebat, vt Scriptura attestatur, à bono angeload locum longè situm & ignotum deferebatur. Ita malefici à suis Martinetis, aut Martinellis vt aliqui vocant, nostri autem vt plurimum Amasios appellant, aliquando deducuntur ad loca ignota, & multum remota, cùm tamen putent, quod sint profecturi ad conuentum vicinum. Martinetus enim non eorum voluntati obsequitur, sed suæ nequitia, aut sui præsidis imperio studet satisfacere. In conuentibus enim non raro unus superior Dæmon toti multitudini præsidet, cuius præscripto omnia diriguntur: Sicut etiam in Polytica Republica, multi sunt ministri, consiliarij, rectores & executores, quibus unus supremus præsidet, & cuncta moderatur & dirigit: Atq; hoc etiam satis conuenit eis, quæ sacræ literæ de bonorum angelorum custodia & præsidentia tradunt. Daniel meminit Angeli Græcorum, Persarum, & Michaëlis patroni filiorum Israël: Moyses angeli castrorum, Iohannes in Apocalypsi, Angeli Ephesi, & Smyrnæ. &c. Sicut ergo uni prouinciæ, exercitui,

Daniel.14.

aut Ecclesiæ præest vñus Angelus bonus, licet singuli suos habeant tutelares: Sic etiam vñus Dæmon præsidet alicui congregationi maleficorum & Martinetorum. Hinc quidem naturis, differentijs, officijs & præsidentia Dæmonum scribunt, tradunt Dæmonem nomine Bathyn ducem magnum & fortem cursu velocissimo homines transferre de regione in regionem, cui subsunt triginta legiones. Idem opus tribuunt alteri Principi, cui nomen Gaap, vel Tap, cuius imperio etiam multæ legiones in obsequio sunt. Sed Dæmonum nomina & distincta officia, & numerum subiectorum neminem scire potest, nisi ab ipsis didicerit, secundū doctrinam Augustini, li. 21. de Ciuit. Dei, cap. 6. Neque enim, inquit, potuit, nisi primùm ipsis docentibus, disci, quid quisq; eorum appetat, quid exhorreat, quo inuitetur numine, vel cogatur.

Hæc de Præludijs. Nunc prior quæstionis pars per Conclusiones resoluta.

1. Conclusio. *Malefici, Magi, diuinatores, vel quicunque alij, pactum cum Dæmonibus habentes, nullaverapossunt facere miracula.*

N

PRO-

*Magi, Ma-
lefici, nulla
vera facta
miracula,
sed tantum
mirabilia*